

Decisiuns dalla radunanza communal digl cumegn da Surses

La radunanza communal digls 9 d'avregl ò

- approvo cun 77 vuschs - da 57 vuschs necessarias persiva - la proposta or dalla radunanza communal da manar tras las votaziuns tar tractanda 4 e 5 sot scrutini.
- approvo cun gronda pluralitad e sainza cuntervusch igl protocol dalla radunanza communal digls 27 da november 2017.
- approvo cun 215 cunter 2 vuschs la revisiun parziala dalla lescha davart las taxas da giasts e turissem digl cumegn da Surses. Sot resalva dall'approvaziun dalla revisiun parziala antras l'administraziun da taglias digl Grischun vo chella an vigour sen igl 1. da matg 2018.
- decida da sustignair igl project da hotel da 4 steilas dalla MEZ SA a Sandeilas, Savognin, scu suonda :
 - cun 186 cunter 38 vuschs è nia concedia ena contribuziun da promoziun unica à fonds perdu da max. fr. 530'000.00.
 - cun 175 cunter 48 vuschs è nia concedia en amprest sainza tschains da dus milliuns francs.
- decida da sustignair igl project per en hotel e treis tgesas d'appartaments cun abitaziuns administradas dalla Uffer SA a Grava, Savognin, scu suonda :
 - cun 186 cunter 37 vuschs è nia concedia ena contribuziun da promoziun unica à fonds perdu da max. fr. 600'000.00 per la construcziun digl hotel.
 - cun 180 cunter 43 vuschs è nia concedia en amprest sainza tschains dad en milliun francs per la construcziun digl hotel.
 - cun 168 cunter 52 vuschs è nia decida da sa participar cun en milliun francs ve digl capital d'accias d'ena societad anonima tgi ò anc da neir fundada per l'investiziun digl hotel.
 - Cun 180 cunter 42 vuschs è nia concedia ena contribuziun da promoziun unica à fonds perdu da max. fr. 650'00.00 per la construcziun dallas treis tgesas d'appartaments cun abitaziuns administradas.
- concedia cun 220 vuschs e sainza cuntervusch en amprest sainza tschains da fr. 350'000.00 a favour digl Club da ballape Surses an connex cun la renovaziun totala dalla piazza da ballape sen parc. nr. 684, Piazza d'ava, Tinizong. La restituziun dallas ratas annualas vign scuntrada cun las contribuziuns ve digl travagl, tg'igl cumegn paia mintg'onni agl club da ballape.
- approvo cun 212 vuschs e sainza cuntervusch la revisiun parziala dalla lescha da pumpiers digl cumegn da Surses. Sot resalva dall'approvaziun dalla revisiun parziala antras la sieranza da bietgs Grischun vo chella an vigour retroactivamaintg sen igl 1. da schaner 2018.

Igl protocol dalla radunanza communal digls 9 d'avregl vign exponia a partair digls 20 d'avregl 2018 an canzleia communal a Tinizong. Tottas persungas cun dretg da votar an tgossas communalas pon piglier invista digl protocol.

Tinizong, igls 16 d'avregl 2018

La suprastanza communal Surses